

Indeks jenayah meningkat jika tiada keyakinan terhadap polis

Berita Harian 14/05/2010 M/S 39

KEBELAKANGAN ini banyak cerita mengenai Pasukan Diraja Malaysia (PDRM) disiarkan oleh media cetak mahupun elektronik mengenai kemungkinan berlaku kecuatian PDRM dalam menjalankan tugas sehingga mencemarkan nama baik PDRM di mata masyarakat.

Bermula dengan kes pelajar 15 tahun ditembak mati di Shah Alam sehinggalah kes tembak seorang lagi remaja berusia 17 tahun di Negeri Sembilan baru-baru ini.

Adalah tidak wajar jika semua kesalahan diletak di bahu PDRM semata-mata. Sedangkan setiap tindakan dilakukan oleh PDRM itu bersebab.

Saya yakin anggota polis terbabit dalam kes itu sudah mengambil pertimbangan yang sewajarnya sebelum

mengambil sebarang tindakan.

Adalah tidak adil untuk kita menuding jari ke arah PDRM tanpa memikirkan sebab tindakan itu dibuat.

Saya melihat masyarakat lebih banyak membela nasib mereka yang dikatakan menjadi mangsa, sedangkan tidak ada seorang pun tampil membela nasib polis terbabit.

Keadaan ini amat menyedihkan sedangkan anggota polis ini berkorban masa, tenaga dan nyawa semata-mata ingin menjaga keharmonian dan ketenteraman hidup masyarakat Malaysia yang langsung tidak mempunyai talian kekeluargaan dengan mereka.

Pernahkah kita terfikir mengenai perkara ini?

Jika keadaan ini berleluasa dengan campur tangan

pelbagai pihak yang mula mencampuri urusan PDRM, saya yakin indeks jenayah di negara ini akan menjadi semakin buruk.

Ini disebabkan orang ramai mula mempertikaikan setiap tindakan yang diambil pihak polis sehingga melemahkan semangat setiap anggota untuk menjalankan tugas mereka.

Saya percaya selepas ini, jika pihak polis berhadapan dengan penjenayah atau mereka yang mencurigakan, pihak polis akan buat kerja 'ala kadar' saja kerana memikirkan mengenai sebab dan akibat yang bakal berlaku jika tindakan diambil.

Saya percaya dalam keadaan sekarang, masyarakat sibuk mencari kesalahan polis, penjenayah di luar sana 'bertepuk-tangan' kerana ra-

mai yang membela nasib mereka.

Percayalah, jika keadaan ini berterusan kemungkinan indeks jenayah akan meningkat dan jika perkara ini berlaku, saya yakin masyarakat akan tetap menuding jari ke arah polis kononnya tidak 'buat kerja' sedangkan apabila polis menjalankan tugas mereka, masyarakat mempertikaikannya.

Untuk anggota polis di luar sana, saya harap jangan patah semangat meskipun pelbagai tohmahan dilemparkan terhadap anda semua kerana ramai lagi yang menyokong anda. Terima kasih kerana terus menjaga keamanan serta keselamatan negara.

ANAK POLIS,
Pantai Baharu,
Kuala Lumpur.